

ღონისძიების ორგანიზების მომსახურების სახელმწიფო
შესყიდვის გამარტივებული ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

წინამდებარე სატენდერო დოკუმენტაცია შედგენილია „სახელმწიფო
შესყიდვების შესახებ“ საქართველოს კანონის 121 მუხლის, „სახელმწიფო
შესყიდვის ელექტრონული საშუალებით განხორციელების შესახებ დროებითი
წესის დამტკიცების შესახებ“ სახელმწიფო შესყიდვების სააგენტოს
თავმჯდომარის 2010 წლის 22 ოქტომბრის N9 ბრძანების საფუძველზე.

2011 წელი 9 მარტი
ქ. ბათუმი

ს ა რ ზ ე ვ ი

1. ტექნიკური და საკვალიფიკაციო მოთხოვნები — 3
2. ღონისძიების აღწერილობა — 4
3. დამატებითი ინფორმაცია — 5
4. სახელმწიფო შესყიდვების შესახებ ხელშეკრულების პროექტი — 6

ტექნიკური და საკვალიფიკაციო მოთხოვნები

1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) საბანკო რეკვიზიტები, ხელმძღვანელობაზე/წარმომადგენლობაზე უფლებამოსილი პირის სახელი და გვარი;
- ბ) ინფორმაცია შესყიდვის ობიექტის ფასების და მიწოდების ვადების შესახებ
- გ) ინფორმაცია შესყიდვის ობიექტის აღწერილობის შესახებ;

1.2 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“-„ე“ ქვეპუნქტებში განსაზღვრულ მოთხოვნებზე.

ა) ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანმხლები დოკუმენტაცია. ანგარიშსწორება მოხდება შემსყიდველის მიერ მიღება-ჩაბარების აქტის ხელმოწერიდან 5 სამუშაო დღის განმავლობაში;

ბ) მომსახურების გაწევა განხორციელდება ხელშეკრულების გაფორმებიდან 2011 წლის 31 დეკემბრის ჩათვლით შემსყიდველის მოთხოვნის შესაბამისად, მისამართზე: ქ. ბათუმის საერთაშორისო აეროპორტი.

გ) სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 30 კალენდარული დღის განმავლობაში;

დ) ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 30 კალენდარული დღით, ტენდერისათვის სტატუსის – „წინადადების მიღება დაწყებულია“ მინიჭების ეტაპიდან;

ე) წინასწარი გადახდის მექანიზმი გამოიყენება სახელშეკრულებო თანხის 50% ოდენობით საბანკო ან სადაზღვეო გარანტიის წარმოდგენის შემთხვევაში;

ვ) პრეტენდენტს არა აქვს უფლება წარმოადგინოს ალტერნატიული წინადადება;

ზ) პრეტენდენტის მიერ წარმოდგენილი სატენდერო დოკუმენტაცია ხელმოწერილი უნდა იყოს უფლებამოსილი პირის მიერ.

1.3 გამარჯვებულმა პრეტენდენტმა უნდა წარმოადგინოს საკვალიფიკაციო მონაცემების დამადასტურებელი შემდეგი დოკუმენტები:

ა) იურიდიული პირისათვის, ამხანაგობისათვის და ინდივიდუალური მეწარმისათვის:

– ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;

– ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

– ცნობა შესაბამისი უფლებამოსილი ორგანოდან, რომ არ მიმდინარეობს გადახდისუუნარობის საქმის წარმოება

ბ) ფიზიკური პირისათვის:

- ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლევია;
- ცნობა საგადასახდო ინსპექციიდან რეგისტრაციის შესახებ;
- პირადობის მოწმობის ან პასპორტის ასლი;
- ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

შენიშვნა: საკვალიფიკაციო მოთხოვნებით გათვალისწინებული ადმინისტრაციული ორგანოებიდან წარმოსადგენი დოკუმენტები (პუნქტი 1.3) გაცემული უნდა იყოს ტენდერისათვის სტატუსის – „ტენდერი გამოცხადებულია“ მინიჭების შემდეგ. აღნიშნული დოკუმენტები წარმოდგენილი უნდა იქნეს მხოლოდ გამარჯვებული პრეტენდენტის მიერ, შემსყიდველი ორგანიზაციის წერილობითი მოთხოვნის შესაბამისად. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, წერილობითი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების შემთხვევაში სატენდერო კომისია მოახდენს ამ პრეტენდენტის დისკვალიფიკაციას და მას არ დაუბრუნდება სატენდერო წინადადების უზრუნველყოფის გარანტიის თანხა.

გ) არარეზიდენტმა პრეტენდენტ(ებ)მა საკვალიფიკაციო მოთხოვნებით გათვალისწინებული დოკუმენტები უნდა წარმოადგინონ თავიანთი ქვეყნის შესაბამისი უფლებამოსილი ორგანოებიდან, რომელიც თარგმნილი უნდა იყოს ქართულ ენაზე და სათანადო წესით დამოწმებული ან ლეგალიზებული;

შესყიდვის ობიექტის აღწერილობა:

ავიარეისების დახვედრის ღონისძიება გულისხმობს შემდეგს: ქ. ბათუმის აეროპორტში ჩამოფრენილ ყოველ ავიარეისის მგზავრებს საპასპორტო კონტროლის გავლის შემდეგ ბარგის მიღების მოსაცდელ ჰოლში უნდა მოხდეს ქართულ ნაციონალურ ტანისამოსში ჩაცმული ორი ბავშვის (გოგო და ბიჭი) მიერ მგზავრებისათვის ტკბილეულის შეთავაზება.

აღნიშნული ღონისძიება უნდა განხორციელდეს შემდეგი პირობებით:

ა) დახვედრა უნდა მოხდეს ყველა ავიარეისის, რომელიც ჩამოფრინდება 9.00 საათიდან 24.00 საათამდე. 24.00 საათიდან დილის 9.00 საათამდე ავიარეისის მნიშვნელობიდან გამომდინარე შეიძლება მოხდეს დახვედრის ღონისძიების ორგანიზება მხოლოდ შემსყიდველის მოთხოვნით. რეისების რაოდენობა 270.

ბ) ნაციონალურ ტანისამოსში ჩაცმული ბავშვების მონაცვლეობა უნდა ხდებოდეს ყოველ კვირეულად. საჭიროა მინიმუმ ორი წყვილი (გოგო და ბიჭი) რომლებიც ერთმანეთს შეენაცვლებიან ყოველკვირეულად.

გ) ტკბილეული უნდა იყოს აჭარული ბაჭლავა და ბურმე. თითოეული სახის ტკბილეულის ნაჭრების რაოდენობა უნდა იყოს 35–40 ნაჭერი. ნაჭრები უნდა იყოს საშუალო ზომის სტანდარტული.

დ) ტკბილეულის შეთავაზებასთან ერთად უნდა ხდებოდეს ხელსახოცების შეთავაზებაც.

ე) ტკბილეული დალაგებული უნდა იყოს პატარა ზომის მაგიდაზე, რომლის ზედაპირი დაფარული იქნება მაგიდის ტილოთი. ნაწილი ტკბილეულისა დალაგებული იქნება ლანგარზე რომელიც ეჭირება თითოეულ ბავშვს.

ვ) ტკბილეულის განახლება უნდა ხდებოდეს ყოველდღიურად და უნდა კონტროლდებოდეს მისი გემოვნური თვისებები.

ზ) ღონისძიების ორგანიზების პერიოდში შემსყიდველის მიერ გადაცემული იქნება სარეკლამო ბანერი ე.წ. შტენდერი, რომელსაც ყოველი დახვედრისას განათავსებს ბარგის მისაღებ მოსაცდელ დარბაზში.

თ) პრეტენდენტებმა უნდა მოახდინონ ბავშვების მოძიება, ტრანსპორტირება ყოველდღიურად აეროპორტში და ღონისძიებასთან დაკავშირებული ყველა სხვა ხარჯის გაწევა.

*ღონისძიების ორგანიზების უფლებას აეროპორტის ტერიტორიაზე აიღებს შემსყიდველი და გამარჯვებული პრეტენდენტი ისარგებლებს შემსყიდველის სახელით.

*ღონისძიების ორგანიზებისას მკაცრად უნდა იყოს დაცული აეროპორტის მოთხოვნები და წესები. დაცული უნდა იქნეს სისუფთავე და უსაფრთხოების ნორმები.

4. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის წევრები:

ვაჟა დიასამიძე: ტელ: 7-47-06; ელ.ფოსტა: Batumi74@gmail.com

გოჩა კახიძე: ტელ: 7-47-19; ელ. ფოსტა: gocha.kakhidze@gmail.com

მომსახურების დასახელება	მომსახურების ძირითადი მახასიათებლები	რაოდენობა	ერთ. ფასი	საერთო ღირებულება
ღონისძიების ორგანიზება		270 ავიარეისი		

სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და საქართველოს კანონმდებლობით დაწესებული გადასახადების გათვალისწინებით.

სახელმწიფო შესყიდვის შესახებ წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. ბათუმი

2011 წელი

ერთი მხრივ, აჭარის ავტონომიური რესპუბლიკის ტურიზმისა და კურორტების დეპარტამენტი (შემდგომში „შემსყიდველი“) წარმოდგენილი მისი თავმჯდომარის ნუგზარ ჩხეიძის სახით და მეორე მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და მიმწოდებლის სატენდერო წინადადების საფუძველზე, სახელმწიფო შესყიდვების კანონის და მიმწოდებლის სატენდერო წინადადების საფუძველზე, N SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.

1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

1.7. „ტექნიკური დავალება“ - N SPA----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

ქ. ბათუმის აეროპორტში ჩამოფრენილ 270 ავიარეისზე ტკბილეულით დახვედრის ღონისძიების ორგანიზება (შემდგომში „მომსახურება“) ტექნიკური დავალების შესაბამისად.

3. ხელშეკრულების ჯამური ღირებულება

3.1. ხელშეკრულების ჯამური ღირებულება შეადგენს ----- ლარს.

3.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2. მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული მომსახურების ან მისი ნაწილის გაწევის შემდეგ ხელმოწერილი მიღება-ჩაბარების აქტისა და საგადასახადო ანგარიშ-ფაქტურის საფუძველზე.

4.3. მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 5 კალენდარული დღის განმავლობაში.

5. მომსახურების მიღება-ჩაბარების წესი

5.1. მომსახურება ან მისი ნაწილი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

5.2. შემსყიდველის მხრიდან მიღება-ჩაბარების აქტის ხელმომწერი პირია ვაჟა დიასამიძე, აჭარის ა/რ ტურიზმისა და კურორტების დეპარტამენტის თავმჯდომარის მოადგილე.

6. მომსახურების მიწოდების ადგილი და ვადა

6.1. მომსახურების მიწოდება უნდა განხორციელდეს ტექნიკურ დოკუმენტაციაში მითითებულ მისამართზე.

6.2. მომსახურების მიწოდება უნდა განხორციელდეს ხელშეკრულების გაფორმებიდან 2011 წლის 31 დეკემბრის ჩათვლით.

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია მომსახურება გაუწიოს სათანადო ხარისხით.

8. ხელშეკრულების შესრულების კონტროლი

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების 8.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს აჭარის ა/რ ტურიზმისა და კურორტების დეპარტამენტის ინსპექტირების ჯგუფი.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.3 პუნქტით გათვალისწინებულ გადაწყვეტილების მიღების განზრახვის შესახებ

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლო სასაქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

ხელშეკრულება ძალაში შედის - - - - - და მოქმედებს 2011 წლის 31 დეკემბრის ჩათვლით.

13. მხარეთა რეკვიზიტები

აჭარის ა/რ ტურიზმისა და კურორტების დეპარტამენტი	
მისამართი: ბათუმი, ფარნავაზ მეფის ქ. №84/86	მისამართი:
საიდენტიფიკაციო კოდი 245 427 809	საიდენტიფიკაციო კოდი
„საქართველოს ბანკი“ ცენტრალური ფილიალი	სს „ბანკი“
კოდი BAGAGE22	კოდი
ანგარიშის № GE78BG0000000886744500	ანგარიშის №
თავმჯდომარე: ნუგზარ ჩხეიძე	დირექტორი: